

集部

在之外祖也因以識虞佐别七年而同舉於鄉再同以 欠三日三 八十三 **玘幼時過<equation-block>關谿調聽養鄭先生先生家君之同年而虞** 明文海卷二百九十四 序八十五 デル重犯 明文海 餘姚黃宗養編

一辭進退俯仰於人亦分也所不敢恤吾所謂難而甚憂 乎民之豐約不懸於我乎吾所得為吾可為也所不得 者以勢之不可行也夫受命為令政令之下不成於我 城問過言别犯既惜其去察其意若甚有憂者竊怪而 為其若之何然吾雖不得為固亦吾之責也往歲早災 志也是所能勉也簿書之煩綜理之勞吾職也是所不 問之曰吾有所難思之而不得其説也夫當官庶慎吾 師時時相過從劇談甚歡也未幾虞佐出宰山東之郯

金罗巴人

火三百三人 吏属民者怠若職者心竊非之謂使吾當其任雖不敢 吾信必関然以為厲己吾其何從乎嘻吾家食時縣之 在也舊一弗更大事殆乎弛小事殆乎遂将更馬民未 其上者皆達官也吾能抗乎順之吾不忍民之重因也 之且不見聽寧獨不聽而已公且以為罪以令之微臨 如故無名之征日有增馬吾忍視其彫盡而不言乎言 且吾詢郊之遊寓于此者謂邑久廢敝民又健訟兹之 明文海

遍四方山東尤甚民之相率去而為盗者聚矣而稅例

壺有力馬令之於民豈特桔槹一壺比哉且子不見夫 出而為令者多矣其所憧憧于慮者非過走承奉之事 |比日子第往吾知郯之民其有寒矣比居京師數歲見 |望古之循吏亦能使一邑之家其澤也令自為之其難 御者乎馳驟不已街敝樂脱馬力盡矣如是而易以造 民其有寒矣夫旱乾苗稿桔槹必有所濟浮乎江湖一 則旌獎求薦之圖也有憂及于民者乎子乃不然郯之 又如是寫憂將負其平生而斬令之名也故就若壽之 卷二百九十四 次定四事人 輸租者經屬不絕今在下者豈無若人哉惟奉公之意 一陽城囚而部使去令在上者宣無若人哉夫兒寬免而 馬者有矣事事而寬之不必皆免然而免馬者有矣夫 為厲知其非為己也事事而爭之雖不必皆從然而從 民也有所需於下必思所以寬之寬之而不免將不以 街枚察脱之時也子往為其忱恐中其辭論有所征於 上必思所以爭之爭之而不從將不以為罪知其固為 父猶不免於敗必休馬更響而後進嗟乎令之民其亦 明文海

民而任令矣虞佐起謝曰君言得之矣吾将行馬且將 陽城兒寬者斯見稱耳彼二子之所處夫亦豈易數吾 子勉之張弛之道因革之宜是則在子微子無以疼若 也哉夫以己因乎時者中人皆然也惟不以時易己如 以質于外祖遂呼筆書之而去 自營之私則病無以濟子民子既無是也而何愛難行 不勝其進取之心則懼有所拂乎上豈弟之心不勝其 送少司寇張公致政序 董犯

卷二百几十

角远衣如不戒為魚龍獲子知之子自吾同往于海者 火こりことかり 害出無入有組贈累貨豈不誠利也與乃若盪泊淺渚 笑日子觀其利惡知其害之倍也夫天時過逢舟楫無 樂之乃下從舟子而問曰兩獲利不既多乎舟子呀然 遠而至俄項趕數百里抵岸奇貨山委市者鮮集慨馬 予瀕海人也益嘗登山而望下臨海門見買舟張帆自 四顧無侶風撞濤醬靡月靡日子知之乎洪濤瀾汗上 燒以暫延虧虧存亡瞬息子知之乎年大載盈馳風 明文海

虞或禄位已極功成名遂終陷險難其遲速得失沉 或来時奮庸而歲九遷一蹶以仆或宣力畢知逢禍不 **撫然嘆日嗟乎仕宦之道亦若是矣在而不知止溺而** 聞見徵之或滞於一官偃蹇數十年而不振遂以淪沒 覆馬者矣若此者利之倍于害耶害之倍于利耶吾幸 多矣益有一往而覆馬者矣有一往而迷其利再往而 而先登于岸不覆厥載子適見之而謂皆然乎子於是 不知返其亦殆哉厥後予入仕途迨令三十餘年以所 金と上上ノニー 卷二百九十四

父こうこ シュー 可不謂誕先登岸不覆厥載者邪而或者猶以公位未 十四遂乞致仕以去蕭然長遯節完而名全任宦若此 九年位秩之崇聲名之崇疇能速之兹以目青年甫六 右副已復為大理卿遷刑部左侍郎出入中外者二十 副使名入為大理右少卿尋進左轉左愈都御史再進 其鮮也益吾乃令於張公應祥之去見之公奮自諸生 靡推亦何異於舟子之云而先登于岸不覆厥載者何 以擢進士兩宰大色遂拜監察御史久之擢吾浙按察 明文母

宣有患于其辱哉夫居易香山之約日知臺池之飾皆 一行之愁苦姐戚故舊聚處而談笑心怡神偷熟與夫婚 皆席不暇媛案事于外其勤且勞又如此使其干進務 極為飲以公操履堅綜練久年未至而為大理為侍郎 延鰐鸕濡秘終日之虞不迷其利固無其害不居其榮 也公何居馬沉兹之歸葛中野服自肆于沮漆之野與 入何階不防然而不自止則入海迷其利而數往者是 夫波濤晚県之危雲門芒谷荷亭竹榭孰與夫舟居海

金只正是人主

卷二百九十

四

一亦俱至乃退處裹足不復仕進然君才俊而逸藝精而 吾友徐君子仁少負才藝為科舉之學名譽日彰而毀 一苦之同官而能止者也祖疏傅而嘆息送李尉而盈途 其歸轍以是為說 情之所不容已者也招賈之文望海之詩寓言以達志 傾蓋海濱後公來為憲副實理海道固熟觀于海者於 者也子與公為布衣交再會于蜀而同官於此念始者 送徐子仁南歸序陳沂 明之每

而不能用豈非天乎余每見夫斯走驅僧之徒好從事 詞釋於慶揚致語必屬之以追方欲授之官而龍馭上 而多智人笑之日何用爾為也他日見於朝盛是蒙而 巡舊京召見御所又兩幸其居朝夕得備供事每製責 門者至是益聞矣少傅徐文靖公嘗荐君至京師忌者 神發之毫楮不可自遏驅走指納驚數時軍挾策而登 沮之太師李文正公愛惜不置而亦不果於用先皇南

金少四月五年

卷二百九十四

一部可徵也古人所謂身名俱泰又馬知其他哉詩云庶 易熟為多乎君年已六十風發神越不異少壯登之上 其不以得其格墨者為光柴視彼島爵厚禄授之以相 者然貴可殿富可貧人得之而人失之惟夫名也抑之 笑者之若人也高影厚禄及手而至奈之何君之獨難 走避豪石出諸途則武夫騎卒擁導後先視之即前所 而揚毀之而彰雖不見用而公侯大夫以至武夫庸及 プラフェダーAims 一丁 如此哉嗟夫富貴名壽四者天下之所同欲而尊尚馬 明文海

金クロんノー |幾風夜以永終舉請以得夫天之二者為君祝之 話有淺深則緩東而居亢降則敦故亢則匪存較亦人 情安可強也紫江沈將軍學西之傑英而當世之名將 也健敏多奇敦為操誼然不屑瑣尾文吏刀錐什伍離 其類爾彼我相形異同殊執智相伯仲則駢志而降心 天負奇者不忌毀而下人善何者不匿中而替好故有 留别沈紫江亭翁萬達 一時而怠氣沒齒嬿婉生平而情如邂逅者言以 卷二百九十 匹

|潘泉式監南海将軍謝事家居相過頻數促膝更僕披 用是盆敬重將軍矣將軍亦然諾余言動必稱善有聲 腹談心久之邊機幕議必相參聞軍事報成無爽鉄忽 次定四年全書 度越諸将私心慕之嗣是得時接音塵因緣存記比切 昔作牧蒼梧良親伊始聽其言論斬斬動人意幹風猷 易知又云女為知己者院士為知己者死信斯言也余 語問於貴官達人又怠打節故或疑其亢而棄禮計而 為其薄也乃余觀將軍詳矣昔有人云知人未易人未 明文海

一難再追念往昔喟然長懷何者昔當見將軍性不甚喜 邊標銅柱登然然樹奇勲於當時勒鴻聲於異代斯固 時或慷慨激昂陛目攘臂叱咤時事意若平南疆安 飲飲余報歡酒情中酣仰而賦詩彈剱相和其音欵欽 内交游之通義耳固未暇以一二談也睽違在期知己 求之應而無朋比之非蓋利重於斷金而情擬諸同氣 不警終始良豈偶然乃若祀澤相通疾難相慰此特海 丈夫之雄心亦鄙人之)所希真者然用舍遇也顯晦時 Z 歷 覺天台雁宕之勝出錢塘泛西湖問津於豫陽田氏 於扶桑然後薄言行邁剛大庾泝長江訪匡廬吊白鹿 級履以從相與防羅浮浮南海探靈奇於玄領躬關樣 駕責我潮陽仰遺風於昌黎濯清流於東浦鄙人多幸 異日固當棄鵲印欽龍韜拓落約置簡棄煩促慨然命 澤之輝紫聲朝市於在告抑情魏闕旋踵舊棲賦潘生 之閒居該左氏之招隱將軍幽况夫豈同之如將軍言 也君子不昧時而說智達士不要遇而損東余方悟山

次定四車季

明文海

|文紀其事子淡屬草三切稿累數百千言不能盡取而 鄉先生者也屬色長吏九人盛供張祖道衛水上請予 一告與我約矣將軍亦聞之抗志浮雲轍跡九有將軍 與婉子二人 子之宅而宿馬當有悠然宴合而豁然相通者田子往 公徙大名同知三月復河南僉事以去公於子泉所 扣之其首嗚鳴然寥慷悅祥然若不能成聲者也則燬 Ĺ **顧遠齊復河南食事别序等坤** 卷二百 カナ 꺈

人人·人力·人人·· 復或不復或既復而放或再放踰時而復不暇論故士 志士出處之際自屈原賈誼以下何可勝道也其間或 可以太息耶子咲日曾是之謂裁當讀傳記詳古賢人 均以罪徒至此又離且去故悲者不可以累赦呻者不 何朝命童子操練與墨侍左右暮不能報也豈两君者 子大夫亦造徒廣平至于此所謂東西州然言甚易者 者舊矣其來大名雖未幾吾屬醉之者若南風之終也 明文海

去之有從事者務而前日公之鄉誼子大夫所派于心

歐陽文忠公修蘇侍郎賴以及韓絲劉擎陳執中 **识野父指而語赫赫若作者獨文路公彦博韓魏公琦** 其名以傳書之簡冊祠之伏臘所遺燕遊歌賞之址山 功德于土與其暫至而去無所謂功德着于土而特採 家來以郡饒而解蘇罪徒而至者軫相接也然其間著 數千百年問遷臣逐客之報徒而渡者不知其幾入國 之于此譬若江海之温顯晦離合唯其所之馬耳子于 公亦何適乎哉獨吾今從諸君導送公茲水之上延眺

金ケロルノニー

卷二百

九十四

|平彼也公領而大咲欣然嫁飲以為別 者故於公之去有所口噤而不能言益在乎此而不在 所謂與然自失者乎子知公非區區于世之顯晦離合 與指顧河山草莽而一以盼馬能無悲歌感慨彷彿古 跡也其離而既去而獨有所常留者道德與熟名也其 所謂顯晦離合可喜可悲者吾不知惡乎在也吾屬相 而不可求矣由此言之古賢人志士所以徒而暫寄者 五七公者歷歷可數也餘皆已零落于烟波霧澤之間

たこうら ときら

明文海

飲江河各足其量成德達材靡有棄物然仲尼方且似 經險難皆然歌鼓瑟無忍攜貳其嘴師門之道譬之羣 之者一時益三千馬雖畏匡厄陳干七十餘君不用歷 禮樂春秋以教天下而天下問德請業之士相率而歸 孔子始生會義農堯舜禹湯文武周公之道敘易書詩 明萬足弟子也豈待余言者哉雖然亦嘗竊觀之周末 王子汝中将奏績京師問贈言于薛子薛子曰汝中陽 送王汝中序薛應於

卷二百九十四

欠にりきくき 舒隋王仲淹唐韓退之皆稍稍倡絕學于其問延及宋 多言之禍非邪賴道原于天天不息道亦不息漢董仲 紛裂卒至釀成坑焚之條而先王懿訓幾至煨燼謂為 之徒往往附會仲尼以恣其無忌憚之說而道術日益 益分誕章乖離師虚鼓聚於是莊周列樂寇首卿李斯 離散分處諸侯之國各以其學教弟子本源既遠末流 信所以聖人之道。卒大昌明于天下及仲尼既沒其徒 不能言語其門人則曰予欲無言蓋黙而成之不言而 明文海

詳於德性易簡之說而氣誼文章政事一切卑之而不 性命漫不知究此固無足道其諸高談理學者報又致 事奇勝於是於文解者級緝秦漢晉唐之糟粕而身心 華學術習俗殿殿與三代同風自後人文日靡學者頗 佐命元勲暨侍從諸臣百工庶士咸敦本尚實悃惼無 人事然也追我明與高皇帝闡明正學崇尚真儒其時 分徒角立議論愈多黨禁旋作隱此豈天寔為之要亦 之周程遂建圖著論而斯道大為發明厥後門戶競起

金ケロノンニ

卷二百九十匹

謂余日山陰王汝中可持訪之及余改教江西羅達夫 成己成物者将何如以究竟乎憶在余字慈谿唐應德 又每問汝中議論起居及令同官留都士夫自鄉謙之 所終也噫此豈祖宗養士之貽謀與今天子敬一傳心 語者什九躬行者什一唯是無以允協聚心遂謹群議 一論專主無適無莫不信不果而唯義所在多從淵學言 Challenge Linking 風範宇內之初意哉汝中懇懇論學不安淺近其所以 未見至誠動物而忽已成江河相激之勢吾益不知其 明文海 +=

修舉旋已風動區域銓曹以思南遠在徼外部落雜居 晉川陸子為南臺御史之又明年奉命巡視江上激揚 以處我 道王子之所從事而世道之尤繁者因贈其行而請所 ·慕汝中者若此而豈徒哉汝中益必有以研其幾而慎 所趨矣若其官兵部為車駕為武選固王子餘事不道 以下多與王子相習大一時志學好修之士其勤惟企 送陸思南序薛應旅

金ケビをノニョー

卷二百九十四

21.17.17.17 乎哉故曰忠信為敬蠻貊可行斯古之所謂才也又曰 **簿籍呈能要約僕習儀文出入機數者其果能以致逐** 才也二古之才也為定名令之才也為虚位是故髙陽 擢晉川子去去之日鄉之學士大夫仕于南者咸稱其 以修辭打鄭君子于其才尚不能無擬議馬別夫辦事 才而惜其去屬辞子贈之言辞子曰古之才也一今之 動報有警匪有才望者鮮克率服議簡才御史守之遂 八才學問九德其完一也追後敬仲以仗義與齊國僑

|満輸東懇款胥飲以和而戈矛森列揚眉激昂倡言以 浮海居夷識者知其非設辭也昔成都雜部文翁至而 風馬率之以誠鮮不乎者病文從野仲尼所以惨惨而 正而綱維具亡大都中土益以什九而今之所謂才者 去古遠甚破觚斷雕而渾撲以散繁章縟節而敦應以 |啓明象恭靜言庸違斯古之所謂匪才也且今之俗習 人皆與學渤海弄兵襲遂至而盜皆為農二子夫人所 可知矣遐荒部落雖號冥頑而戆直朴略猶有古之遺

卷二百九十四

强之所能哉夫令之思南固遠于成都渤海問也其人 之輕直朴畧較諸江之左右更易孚也晉川子率其素 之民謳歌之及徵為南御史則又見其慷慨明達憲度 以負而南之士人罔勿宜馬是又豈飾情修容襲取矯 共境見其居者有息肩之樂行者有出途之願而玉山 幾乎古之所謂才爾始晉川子筮仕宰玉山吾當一入 知也問當於技能好智術而鼓舞更張以易其視聽图 其利害哉夫亦悃愠無華不墮乎忠信篤敬之訓而庶

次足可阜人至

明义海

十五

以分益其地而對其功凡百戎務延咨延謀總憲者裁 事既有統矣猶懼其劇而弛也則又設外臺之佐二人 有大将有中官有總憲重臣列戍數百里屯兵數萬泉 今西北諸鎮地當邊衝朝廷備之甚嚴而承命以臨者 一履以往則漢良二千石之治行將復見而忠信篇敬之 晉川子亦又奚讓馬 才于兹子再試矣他日舉漢世故事俾公卿選諸所表 送張子行之愈憲陝西序姚淶

ノロアレルノニモ

卷二百九

十匹

千里小入則剽削數城即或以數十騎至吾雅全軍而 恃以安者邊圉固也今吾不能有其固敵大入則瘡痍 贈夫張子所治者邊事也余請以所聞告馬夫中國所 吾同年張子行之拜陝西愈憲治榆林之西索余言以 聚散倉廩之出納贏縮余頗識其縣然未暇議也比者 凡敵之虚實將之勇怯地理之險易遠近卒伍之强弱 林余以覲省至馬其地固要防也余進諸老将而問之 而行之所以筋武備重邊防也歲在執徐家君視師檢

大い 丁巨ハシラ

明文海

|鎧仗麻搭所謂鐵者必求之遠方而後足則金之為用 寡矣民多窟處以就耕牧變粹至則立為魚肉相與禁 宗沒馬足雖樹弗茂弗孳則木之為用寡矣短兵相接 談也天以五材濟民用而邊鄙之所闕者三平沙浩漫 限其入若可坐而策也校諸余所聞則皆所謂盡餅之 榆柳以吃其馳或欲列剱戟以防其突或欲高塞垣以 不敢輕與之角戰非中國之利亦已久矣議者或欲植 金とりでたること 卷二百九十 四

壁壘以自固而抹土在百里之外則土之為用寡矣之

|縮胸不肯任夫責之以一事之長而其言猶若此至於 たこり ときう 於司會計莫難於藏訟獄莫危於治軍旅一有所寄報 夫自便其身而恥當劇任率以為莫勞於董徒役其繁 |甚矣天論世則外急而内緩用材則內重而外輕士大 雖然在天者猶可該也若今所謂人謀者則吾又惑之 同死以為生而為之上者顧欲以書生之說施之不已 |其甚者遠戍無水而卜諸雨近郊無草而刈諸塞邊民 **疎乎凡所謂空言常談實不應聲者皆張子所宜審也!** 明之海 之

敵而不知歸者民不堪于役而舉烽燔燧之所誰其脩 ·時壞亭障吾日圖所以補其廢苦役之民至有甘心降 一歲則變且不測而與癸之呼誰其禁之公私因矣敵復 邊鄙之任則一人而四責備馬者也其難易不啻倍從 之原無然歲蓄吾常節其所施士恒不得飽天或奪之 切繩之以法則詐與貪皆不可使而跡弛之士誰其用 且專誠有非內地可比也軍吏不得其良輕于犯禁 而議者曾不之察何也張子之所治于四事之責尤重

金少世五八三百

卷二百

23

其執力筆者得以破數勞持議論者得以輕事功此今 |以為張子賀也夫因俗以建事因時以就功雖豪傑之 與識俱贍于四者之任若不足以盡其用者然子未敢 邊鄙之深憂而余之所謂惑者也張子以方壯之年才 大いしのいってんから 于選請役難于頻仍兵難于訓養而食之不給其患尤 養其力賞格無以作其氣不戰而力已疲何以使之樂 之一鎮之兵僅滿二萬而騎卒則什之三四私財無以 于赴關而控弦鳴鏑之患誰其禦之刑難于獨任食難 明文海

道之以為今籌邊之助云 **|犁然于心者矣余于張子深交也不敢淺其言故過而** 上下相蒙其其無事以幸為常而邊事日趨于敝矣張 内者知在外之重而後邊事可漸理也不然慎已免谷 士樂之而時與俗之難為力則有志者恒致慨馬張子 宜何如處力之所及則盡謀時之所撓則盡議必使在 子宣得以寧處哉張子聽吾言而思之其是與非必有 金ケレルノニョ 送表我溪泉州府節推序傅夏器 卷二百九十四

節推代兩臺蒞事其斷獄又為繁夫典刑者民之司命 漁之民習見擊刺武勇熱悍動以念悄相刀相靡殺傷 節推隨凡民間獄訟皆先以節推訊服而後上之臺故 諸府而直馬又其地阻山跨海奸宄剽盗出沒濱海航 年友表義溪授泉郡節推維泉介在海隅去京師八千 ところは とから 其平者上不能直之於華穀次不能直之於臺省皆求 里而遙其去譜城亦無慮三百里故下民之困抑不得 不避誅其於獄訟為繁節推司刑繡衣使者行部報以 明文海 十九

言笑之做摘之可以為罪誠所謂大可論而小可斬者 閥而足也如此則一吏可矣菜菜之饋集之可以成贓 也當某律令某也當某律例格式具備不過費一朝檢 一得其意而惟法是狗執盈尺之紙鍛鍊園圖中罪狀某 之得已也故得其好生之意即法令具備而不為苛不 之偽也滋甚堤防不能也乃徵於書而律令定非聖人 也君非泉之司命而泉民之所為生死耶言刑則律令 具矣豈其所以具哉昔者聖人議事以制不為刑辟世

金グログノニョ

卷二百九十

一義溪君明經高第其立心常以襲黃草魯自期豈以由 誹之法自湯作始深文巧該得酷名宜矣禹常據法守 不幾盡天下而弱狗之耶世常酷趙禹張湯夫見知腹 得其意也而民始搖首觸目軟并法網行楊桎梏相望 聖人不仁以萬民為勢狗其言則過然自用刑者之不 之律案劾民之不聊生者已過半矣雖比之湯亦可也 正亦不免馬者夫不得其意而惟文法是繩雖以蕭何 而民始無所措手足老子曰天地不仁以萬物為獨行

次定日事全書

明文海

- 9

韓刑名為君過計哉君董刑法而於散邑之前隸是董 交四方易致聲問又素不熟公府無所延譽於上官臣 **霅之問為江南家原閒與之區非若通都大衢可以納** 乃編蓬皷琴扣石長唫游心塵鞅之外然所居地在茗 盪性靈感通造物惟詩而已他何足道哉他何足道哉 故為敝邑昌言之也 予夙昔負竒氣皆從異人與之詠歌情誼治甚始信駘 送小奉子序宋鑒

相风契馬於是結為訂盟聯珠唱玉累日為月遂有積 開朗心目亦自各其詩之不可相沿時弊與子言若 聲清劭稍自振矣乙己春贛之小峯黃先生偶寓吾玉 王二子締其交及親見捉襟步武雖雖几席神鋒秀技 先是小峰宰吾郡之長城予曾未講相見禮乃令因孫 說其言遂相為詬病而目以惟誕迂僻亦不甚惜數年 問得叙之九野孫子及里州庚陽王子與之同遊而為 者顧所為詩絕與世俗體格不類移書與人論難人

次定四車人

明文海

=

帳風帷或班荆籍卉於菀柳之下或俯窺傍眺於樊圃 |雜沓履舄交加排積像以暫散寄殷勤於杯酒此子之 所與小峰者也以至周楔鄭核令氣淑節桂道關衙月 素累舊之教今以事過歸發邁在近里望之思旦復須 留感今追廷以致分隔且夫高會密坐情盤景處傷戶 八悦山樂水嘉遊未數陰林巨樹曲潤清池監輿晨出 康娱盤遊樂而不淫此又子之所與小峰者也追 夕歸登高作賦以展其才臨流賦詩以寄其與賞 卷二百九 複光塵而緊攜之後遠思長想何日之有昔子萬去魏 彌覆以就其聲價而令則有離索之懷即會晤有程旋 與世無聞知兹因二三子厚見周稱而於小峰又多所 署形層以抵神髓此實子之所與小峯而人或未之知 也夫創鉅者其痛必深交固者其别必條予落魄窮然 劉向古令之書旁通馬融天下之學刊枝葉而究根本 經怕牒之奇瓊敷瑞藻之麗摩研編削耽讀精誦淹甘 心樂意欲界之仙都此又予之所與小峰者也若題神

欠こうらんはう

明文海

先公既罷復短剱跨 灑涕報事於先公墓道於是鄉間稱叔成奇男子無恭 叔成父仗細出塞垣拾其先公此以歸乃復抱書號闕 戀戀於去就榮辱之途孰與关予之所與小峰惜嗣音 鄒文涕泗交順蘇卿入漢李陵握手於河梁之上彼皆 下取所街两虎數孤以甘心始拂衣歸鄉問駐馬野棠 ,既遠論報之未追也哉 送沈君叔成序徐渭 **驢將渡江淮而北復有事京師**

金ラモたノニを

卷二百九十

四

大三日三十十二 地其屬不為不廣矣令制六部尚書郎非兩考不得報 其國之封域不當令一縣是令郡守官兼周十數諸侯 是作歌以為别 人皆日令郡守官即古諸侯也考之周蓋千八百國計 吾搏虎手何為余壯之體貌雖孱囚矣而氣少振也於 宫吾顛館吾破絮成父忽雙涕大叫曰叔憊至此乎袖 也來別余於理見余抱格就學與鼠爭殘炙蟣虱瑟瑟然 送太守鑑濱金公入親序林應麒 明文海 至

難何也益古者郡守拜授無常官其治行卓著者往往 必近兩考乃授其職不為不重矣然識者謂古易而今 以仁其三族及所識窮乏于內無所顏也故其操易魚 二百石以下于下無所根也故其令易行禄二千石足 即名補三公於上無所攝也故其志易伸得自辟吏斬 品尊貴大臣若庠校博士令其弟子員然可謂曰禁亦 金ラとをノー 拜郡御史臺行省擬于王者自稱代巡奔走方面二三 令時則異然矣自無按方伯連帥而下諸道官各得遇 卷二百九

一守守顧日夕惴惴慮或近馬如是而必望其令之行得 或其境内豪右負奇貨遊貴介公子門者皆得制挾其 欠いりうとう 伸得乎縣令宰丞尉而下稍有與當路權勢人相習故 人雁行立紙其堂上顏色為憂喜如是而必望其志之 **謁庭下四拜蒲伏有問軟簌簌捫膝仰對與輿臺吏承** 立道左送之出疆西返至坐公署門者唱然後敢入趨 西南北行過其疆者守必出迎四三舍屏徒從俯首拱 相巡歷以簿書期會之間督責郡長吏雖非公務或東 明文海

|惠郡值山陰鑑濱金公為守獲日炙馬然後知為公之 非禮也為公之下者與列郡同而公之所以御其下者 上者與列郡同而公之所以事其上者則異不徇人以 一守之盡難難乎其為君子者也今年夏某始奉命來貳 檳州縣問垂二十年持是以較列郡之守何止百十非 甚矣令之郡守之難為也某以不能幸脂挫折自容流 為禮交相與望殆無虚日如是而必望其操之康得乎 |乎歲定禄二百五十石實支者十之一耳而以其貨財

金クトたくこと

各二百九十四

|迹涉疑嫌者避之若蹈機,併而人不以公為矯公兹歷 ノこうらんはる 拜雜呼其令孰有行于公者乎金玉水蘇之謠萬口 業士率其訓和平之寇騷動江右公至極空巢出謁羅 而人不以公為苛華橋稅杜允耗清紙贖申明屠宰凡 守其禄者則異以儉助庶也故絕鳃獻羞奔走惡承順 任未及三年而薦別五上志孰有伸于公者乎民安其 而人不以公為傲風屬屬吏裁抑豪強毫髮無所假貸 則異剛亦不吐也為公之禄者與列郡同而公之所以 明文海 五五

我二三僚友之意也遂同書以識別云 詞三年若一日康孰有彰于公者乎是古之人為其易 金グロルノニー 而公為其難碩果不食非公其難哉方令聖天子旁燭 更涉益外為世道處者宜益深矣某敢傾耳以聽是亦 明文海卷二百九十四 公是行也以最課矣超權固不強卜然君子非徒 之難也所以使天下回心而向化者當必有道 因而敦奏之否耶公在臺諫時已為真御史令 卷二百九十四

欽定四庫全書等 明文海卷二百九十五至

詳校官編修臣潘庭筠

主事街日徐以坤覆勘

總校官庶吉士臣倉聖承 校對官中書臣王家賓 磨绿舉人臣楊 鸞 腾绿監生臣章玉植

つくこうにつ しょう 湛以安時于我不能又曰古之君子用則龍蛇與 不識日凉凉乎至其自言日奸好以速 明文海 一于廷寅 醇深至矣佚宕環奇而 餘姚黃宗義編

咸化不用則就閒而言廣寧之變先生殆三致嘆馬然 議府天子之逆色疏下遂窟遷知欽州于廷寅日欽州 金グセルノニモ 所螫物其朝則有毒霧浸雲衝胃人腹其暮則有長蛇 虎之所穴猿孫之所嗷嗷山鬼水象之所惑人沙蜮之 議者往往皆率緩是事言兵幾何人哉先生抗廷臣之 而投是何以居也雖然吾聞之矣素貧賤行乎貧賤素 猛獸磨牙礪足以殺人且違天子落卿佐丹姆鳳閣遠 非古泉郡地耶是在南勢之間矣南學犀泉之所居豹 卷二百九十 たこうこころ 斷之煩偏懼官箴之夷越章箋具而終罷妻妻夫則于 故能居而忘其陋昔韓愈在唐蘇軾劉元城在宋荒投 朝廷道猶未行乃今居欽矣人壯守其德少誦其言 化其文身藻其四行條其義風南廣迨于今猶思之導 萬里一歲數易然且皆復其位況先生先是督學其地 非周人遗風也又且聞之先生居廷尉常日戚戚懷主 **仃踵率歸離而振新其感服往往有江漢衛淇之俗夫** 明之海

患難行乎患難是故素位則無他慕安遇則可行其學

聲延以成故掀然濁穢之中以翔千仞之上不渾其淫 責本其實守土者宜依其官能官而實往奚弗得欽之 此與結舌靦面偕然是非而富貴孰得失哉夫志德者 獲至于老成亦為務先視先王禮義以為何哉群口和 今之世務圓達通狹居正而贵茍得動以相時度以需 自治餘時著書庸以自見此所謂就閒而言公素心矣 人其性沒朴訟詞簡稀淺則無說簡則靡爭可無勞而

以務學問農以居恒功近悦事而遠暴聲華不孤其學

卷二百

大之の直を持 與論塞上事云問當日我兵與敵兵值往往不大利者 而上有及者有幾及而路者山之半不能前者益相當 此不惟戈刀犀鈍人耐飢罷與否射藝巧扯性輕生重 余同年友劉尚友氏者陝之寧夏人也喜談兵余時時 羞獲其垢豈非古之所謂賢豪也耶 二日節夠若乳繫其母峻領而縱駒於麓母且嘶駒奮 生殊也自兒時聞長老言塞外馬産駒度能馳時必一 送西泉劉侍御守筆昌序王梅 明之海

選騎亦時得之自金牌制廢買人子行私茶茶益輕善 也其及者為選騎次以易中國茶茶固彼所急是故其 馬盆不至太僕所依與苑馬所牧平居被障泥飽首看 市馬稍稍至日益良属者關門有警將吏當一二挫之 行西邊振肅風紀剔盡舉墜則以其餘力絕私買平互 非不隆然大也然而聞擬金戰慄衝疾風四五前却 遠跡不敢近塞此其功不有在耶吾不識西泉何如面 坡騰澗不能尋支亦安所事此哉自西泉劉侍御奉

を二て九十五

意也是將以歷試西泉子也夫輩昌故雕西天水郡地 人こうえへみう 方而作之氣夫使算計見効絲公錢穀毛舉一二樣訟 秦漢以來百戰之場羌戎隴蜀之交而敵所數出入處 金子以告王子喟然日尚友氏知言乎哉是用人者之 固識之乙未春三月西泉以三載陟明出守輩昌豐村 為天子作屏翰建樹偉績兹人也哉余時聞尚友言則 目自吾陝之人稱名侍御者必曰西泉云他日制三邊 〕是故為其守者貴知兵事識大體子其人民教以知 明文海

民多搞孥望族傭食於皮弗返公私百執事半充以吉 隨而依靡窟好吉田下賦重土産稀而食齒夥总戸宴 湖西領北屬郡惟虔吉為鉅壤地交而資聚為生嗜目 吏最不足異也因豐村之請為道其故且以徵新政云 則益專以其故所施於陝者施之輩目則益習是其以 此可於解郡随邦耳西泉行矣以其為侍御者而為守 金好四個八言 人其擅重裝者則利度之沃畝火稱豐入而寡在倍購 送兵憲白坪高公戶陳昌積 卷二百九

人子可良 社 |笞問里一旦諸偽窮露良监司債追之急又各變姓名 一智如告身探客户富子而市之使胃冠帶稱官人以鞭 上背人之奉養日為飾乾沒次則偽章刻書造散官部 也度南富民峒居不識禮律好替與服逞螳臂之忽以 傭民矣吉耗户口而虔漏版圖如之何而可使賦役平 獨佔累乎問坐家飧之于嚴阻谷窮之問個私盡吉之 為訟凡表吉盤食刀筆之群高馬者不為吏坐享虔南 自肥及置土著於遊窩籍口閃遁由是吉之逋賦衆役 明文海

電歸其鄉湖西通囚領北不得索之領北通囚湖西不 華兼攝令若抖湖西於嶺北丘備司治之則於領相縣 謂兩道繁訟叢寇在江西號為難治即憲巡當不使統 弊極矣如宋火鄭水之難相撲塞也此其故何耶議者 使之平好的不可使之絕訟愈繁而盜愈横吉虔南之 然又如之何可盡殄之而使好的絕滋也嗚賦役不可 主窗户数等人之虐因而竊發甘為劇窓響導漸清使 得索之事寧仍歸食如故由是嚴躬谷阻之民不堪客

金りになるこ

卷二百九

欠こううしたり 收之民不復知有供帳之累凡匿賦梗役鶩穴虬戾之 之乃丙午丁未之歲湖西之才憲分巡撫按以白坪高 以充供億庶民隱而日容呼訴行之甫月湖嶺館較交 公寬廉有威屬萬理之公按行兩道樹表庶僚發贈金 紛沒弊極而更張之又其會也余當持議者之見以求 之均好朋可窮刷禍本而使之罔數成至齊信而行之 不倦其不教與而盗弭乎天下之事成于統一而毀於 而地易制令一法通而情易得賦役可調停劑量而使 明文海

宵人始得而真之法遊寄散而幹止頗寧也至如披籍 **喁踵息望公以圖厥終底獲水厝均賦於奸之祉乃公** 圖議者統一之論賴公親親其理效矣兩道士民方唱 偷長劫權之軍率奔窟他省之不暇或懼無所逃而徒 置牌創保中寓兵之條舉昔之機利而食兩郡者與夫 林竹溪大夫負文行而於然諾者感公忘分之愛屬為 尋推浙江大泰以行吾不知民之蹙首喪願當何如也 金くでんごう 贈目積實見公治兩道理效于是重持議者統一 卷二飞九

|穴環堵之庇俯仰資無樣畝桑土之辨衣食勢必賴樵 次定四年个五 海防之毀也殆萌於吾民之引海寇乎海寇之得縱橫 我境也殆由於設賂上流乎其情甚隱而其變叵測也 能終成議者之見慰兩道人之心乎并書之以俟 其漸有因而弭後至難也溫台漳泉濱海之民居無協 以屬公不日連旄提節于江右或宏通天子為及弱其 以申告公是議也前提督有以上聞矣止割吉之數縣 送大中丞秋厓朱公序陳昌積 明文海

流於海以自活故其人無不習於海其富者滅膏壤名 兔狐也其谁不秋毫性命之重以爭起哉故小賈睥睨 海夫以習泛之人而視可喜之貨是啗之甘。託而投之 無不習於海山是象犀玳瑁伽楠翡翠明珠椒桂貴善 可喜之貨交舶互集凡善泅習遊之徒亦無不群聚於 國所多被國所鮮以為市展轉販易募徒自護其人亦 以為賈來則挾彼國所多中國所鮮以為市歸則載中 田以沒其厚藏則腰重裝隨琉球暹羅等國朝貢之使

七二モナーエ

いたりまれたする 未易彌獵始猶臘虚肆削令至直導羣窓而橫為畫剽 閩走越緩之則街爐雙嶼負山據流以自恃鳥驚蟻消 始猶腰賈本以入海令則直張空拳以往勝則利盡歸 之繼擅之於隨波出入使船如騎之能急之則越走聞 迅顯疾駛奔揚斤恕之區居之於積儲捆載若堂若丘 以為益沉其蕩之於澎湃溶泊茫無津涯之險踔之於 其小之弱於己者掩其貨而顛越之大買即脫其大之 弱於己者掩其貨而顛越之弱肉强食不已劫殺良民 明文海

大首敗則推其態募之傭以當鋒刀此非其情甚隱而 流禍至叵測乎一時巡備居守之有司當督戍海之兵 金プピんノニー 官賞不若寇購之厚乃餌寇問而陰與行成且能通 與行成又當募土之壯民以機捕之號為召用矣則以 以防禦矣則以朘月糧而補失事之苦乃餌寇間而陰 及微置船上流造順風買港之說以喝巡備之有司造 入境拜見納海面雖之說以喝居守之有司巡備居守 一甘其薰心之貨而入之則居守巡備之令弛矣巡備 卷二百九十五

ところうという 於温八相隣之地築城開府奪雙嶼港建置水營增海 既公雖然請持所聞以質於公可乎令議海防者有請 兵憲白坪髙公屬言於昌積顧愚不知國事者其何以 察其宿弊用宰臣議間數歲一設巡視於是詔秋崖外 公仍以都御史巡撫浙江兼巡视浙閩海道事公瀕行 漸又何怪乎其後也用斧柯以伐之而不克乎今天子 港以為窟無地而非其厚藏安宅之所夫不禁其長之 居守之令弛則寇登陸泛流所至皆坦塗不必倚雙嶼 明文海

海濱無寸土之民衣食靡出將晏然而就斃乎其患尤 流之賂而欲清海卒召用之奸難矣海卒召用之不用 卒據守之是為豫握要轄覆其巢穴之計也有請立保 恐滋也予謂撲火必沃其灼採弊必繁其自弗遏其下 人而可盡信乎有請禁止片船隻艇不許下海如此則 之名色遊說行成通關納路之好圖半出於保甲中之 甲以相譏防是沿古之法也不知迎分子錢歸送海儀 金りせんノニュ 命而欲海寇之不盜吾境難矣公提督南贛先聲所流 卷二百九

次之为事全事 一 之效速而後真儒之澤鬱滯不得施用益學者好不相 辯而後功能之說得以抵職警其便便巧之用利 專銅黨代之俗成鈞銀離析之患作禁以爭乎同異之 世者之所同拭目也 之何其威風也能於此有不能於令大受耶此固志用 墨夫解殺號令一下旗幟易色爬梳宿弊毛洗而節刻 一當謂道術之分也固者以說消經而華者以辯破義 送敬所王先生赴廣東少恭序許應元 明文海

七十子之響既絕而晚周之末猶有子游氏之儒子夏 亂國苟以徼利捷世為哉然而去之彌遠其失彌甚則 任對以未信若是其懿也豈與夫辞聚取寵務趨合于 一乎後世欲用其所未試其後天下爭于戰陳六籍廢闕 悦而務相勝之過也昔者夫子修六學以待來辟有意 即務用禮樂商居西河西河之人疑于夫子使漆雕開 氏之儒漆雕氏之儒然亦並見訟訾云或曰三子學為 未得夫子意耶該者非也日是末師之失也偃試小邑

文正写正 全書 東微矣故至乎元而儒之里已甚子貢問子石子不學 缺專己耀俗之風尤熾天下交鶩於雅辭矩步而力行 觀乎兩師之深更是所聞轉相姍議同德比義之規滋 有反雜之目被愚誣之譏迄于暴秦乃有儒禍則是好 閱同氣于牆而不顧其外侮于時法更為師學士沒紅 辯說関于關訟攻難急于操戈及異說之塗而立之幟 有離逃本真外馳末偽安其所已知毀其所未見于是 不相悅而務相勝之罪也宋之末造朱陸之門人不能 明文每

之典刑具若是者吾願為之執鞭益謂陽明先生云他 之餘弊總方畧哲知行進則仁者之效用著退則先儒 臺之選是時王先生新南為臺食董學官時時論學也 日盡以所得先生之書視予又論著朱子陸子原本所 以子之言為然新甫口有能紹明沐泗之絕業振二季 信吾暇乎哉子貢曰請投吾學以師於子彼其視日猶 詩乎曰吾暇乎哉父母求吾孝兄弟求吾友朋友求吾 不給也而服捷捷估佔為乎癸丑六月被命入粤副外 をニアれ べつりととう 粤西粤之人士奮里俗遷改可謂用矣夫兩學自陽明 其說果然必子也新甫起拜曰非吾任也雖然子有言 先生而起著儒者之效于兹使功能之士弭口不得關 一子之所施用地也子東矣始終子之緒異日者有謂繼 今吾子學不能於道措注不違其言可謂行矣教於西 布政使司祭議暨行謂應元日子無意規我哉應元進 以不異子於是乃有意陽明之學明年春新南拜廣東 日子王子吾何以規子夫學患不能行行之患弗用也 明文海

年教法日就她憲臣即易以廩與人其食廩久者積二 弟子比能就事與科甲相十五得人彬彬盛矣比數十 諸能稱者遣受業太學其高第授郡色諸學官復往教 察郡國民之俊秀者補學官弟子其通一藝以上歲給 敢不終業遂行 國朝鑒古昔選舉之法者在功令命憲臣董學于四方 金グとんとこ **廩就簡可者上春官籍奏乃命學士課其下才者罷歸** 送夏子公輔領教漳浦序屠應歧 卷二百九十五 火こりらくます 令宗伯選擇可否務點庸耄母拘十七以上期得真子 諸郡國弟子率庸不任用朕甚患之夫優老而惠窮所 以養齊民也倫賢以弘治而日云云則國家奚賴馬其 于位以承翊休明而局于甲科奚無遺馬問者有司下 國學官復不善教弟子弊端相沿德意湮塞于是天干 下韶若曰益聞賢才者治世之首務也登明選茂胥略 可否軟報稱日憫老而惠窮以故濫入太學若輕與郡 三十年不問可否輙以敘上春官就學士試亦復不問 明大海 +

言無弗售也會京師方局鄉武招許夏生等得就便武 之與計假指都也固浮江沂淮逾于河走齊魯之都西 惘惘头容恍兮有弗平之色子乃告之日子未知哉子 于子言獨不售乃竟以高第授章浦學教諭過别于子 子即復日是夏生數人者舉矣于是舉數人者而夏生 一十人時省院凡數武子輔曰是夏生武首矣已而果然 勿患後用于是宗伯乃武諸所上學官弟子凡數百人 金りしたとう 而屠子為郎得與親其文乃竟得夏生等數人餘又數

次の草と書 一子故有測于子售弗售子視子猶故也詩日鶴鳴九傘 望東海馳逐吳楚適學閩之疆乎曰然日子見夫舟車 于叢林峻坂之間晉良越師次且顧望咫尺而不得進 里雖沒委矢激烽逸猶以為緩及其冲橫避經水維困 望岱宗之險乎曰然令兹之歸其又將沿故途下錢塘 周其飛枪哉哲人不異勢而貳視君子不貶時而狗心 由此言之順逆勢也遲速時也然豈可不堅其鉤襲而 之利乎幹較機機駕長風走平陸戰擊而鱗次瞬息百 明文海

聲聞于天魚潛在淵或躍在渚茍有隱美何患弗彰君 琉球王世子清表口臣世被中國厚恩樹之島嶼以藩 其亦告以予言 子履其常小人易其方甲志役身腔外移內是猶怒旱 而廢溉戚澇而弛堤困也靡日矣何功之有子勉哉主 一惟賢是用無問例随行矣自愛之漳浦教漳浦弟子 公海外先臣真憑天子神靈獲終于位於臣清議嗣 送給事陳君使琉球序為應埃 卷二百 九十 文定四車全事 一 長震帽威德交臂屈膝以稱臣歸化而琉球始通貢獻 肚不憚往乃疏名上天子素知其賢報允陛解復詔賜 悒憂動色陳君應和為吏科左給事中有賢譽而君亦 潮渡海至表間制日可禮部議冊典簡所宜使者具名 上故事凡使二人而正使以給事中往時當往者率悒 惟是徼于元命勿敢寧居謹昧死介陪臣長史潮以清 玉帶麒麟服云屠應埃曰東南之内屬者以數十琉球 云高皇帝削平區宇揃節異域諸海外屬國君 明文海 十五

矣壯哉予當讀太史書至相如之使印作也道蜀蜀守 怠聖惠光施存定荒裔而琉球之使也陳君實尸之行 中國文皇帝時命使者就立其王賜之册命被以印綬 灑然心善之也至觀博望侯賽傳則以一介之使凌絕 令郊迎負失以為寵而相如亦卒能其使事予未當不 **駸長向聲教矣天子躬至他中與諸國益効職無敢墮** 冠帶世為外藩臣得遣子入就太學于是琉球為龍王 結執殊域歷上古不王之國為漢鑒空向導隨流

をニアカナ

家定司事全書 馬然蠻方之俗振于天使王侯以下羽冠螺飾盡喘息 東治沿漳水烯無諸之域橫海東下梁彭湖指中山觀 日月所出沒俯視蛟龍巨鯨諸怪之嬉遊也若陸行牛 其守令亦将北獨先驅若相如然斯可謂龍矣而又馳 趙齊魯之郊浮江達河逾于淮沂錢塘之波賜于故里 動顏色奚古令人若是遠也陳君建盛明之節照耀無 行人往來之域通外那之內臣而使者言海外則悒悒 而攘則又遽然喟慕雖其行不揆于古有壯志馬令以 明文海

則之矣 一役天而下斯天下之壯觀極龍而博望霧所肆說而不 将于君而觀式馬大言動與取身之經而使之節也宣 得者也斯不亦壯哉抑君天子之近侍臣也雖蠻方亦 昭皇度茂貞使命以風示天子之德于諸蠻不在兹平 夫以陳君之賢而使事又壯不憚往其于兹也吾有以 送雙山先生序盖洋

迎謁而陳君執行被服拱揖于其上知不知望之以為

ここで 九十五

人民可自人時 靡不然也然亦有避逅一 氏過而弗之碩也惟人亦然今夫竭衷納交畢議願知 而志弗得合信弗見察是故明珠夜投按劒相顧盼者 盼器充果與而極枘豫章之材有推朽於嚴谷之間匠 佩未有待獻也惟木亦然蟠木根抵輪困離詭左右 不惟不察而反刖之玟瓀砥砆人或見而悅也以器以 人而不見察再別其足夫璧非不寶也又有人獻之者 人之遇不遇有命乎哉否也昔者下和氏之璧三歇楚 月文海 語歌若平生第日白頭如新 ナと

之美也其不見知于人人固宜即有所勉馬雕琢樹立 如卡和之壁也而狂曼不中于用非如楩树豫章之材 幸而不遇遇不遇命也洋不肖瑕恆躁薄頹劣惡甚非 之交又豈必賢於白頭之故耶由是觀之幸而遇之不 **衲豫章之材果弗如蟠木根松之輪困離詭耶而傾益** 又無所先容於大君子之側大君子見而憐之禮貌之 不敢自後于物要不免破缺之於石蟠抵之于木爾而

金ケビムノニモ

傾蓋如故此之謂也凡此豈致孺硫砆果寶如和壁梗

卷二百九十五

上件公議為聚所棄久矣獨有存而録之又豈懷利害 惟獲戾左右是懼今顧若是幸孰大馬且今之仕者問 君子之名欲求見而未有路令乃為屬吏而來惴惴馬 也噫豈非幸與豈非命與夫洋亦當剛朝列竊嘗暴大 壁之匠人弗棄蟠木根抵輪困離說而且楩柟豫章之 股代而玷之者也是何異于玉人弗 棄玟瑪碱砆而且 俾不列于衆接引之俾有所展舒保而馥之罔俾有所 不瞻望其上逆其喜怒為之好惡以布其意者也矧洋

人三司巨人百一

明文海

驥少肚一日千 里何不可為也久之梁生往南海徐子 遑恤其後 君子而來者遇不遇又非洋敢知也夫既日有命吾奚 所謂重其别非私心也蓋以惜天下賢者之難遇商繼 幸天下有如大君子之賢者矣令将去桂林而東也洋 之私從拘攣之俗者所可能哉此洋所以自幸而又以 金人口五人二 王元美曾與余論天下士謂子相於梁生徐生可謂騏 送宗子相序李攀龍

其次朝不坐燕不與憫時政得失主文而譎諫言之者 及其他無論明良喜起廢歌君臣之盛於唐虞之廷即 至思時也候來忽失經營於將迎之間既竭吾才而不 机知言哉所謂萬古一事者矣方吾之屬類比事結撰 又以疾去豈詩於人能使所有不為也子相益嘗謂朝 廷可使無文章之士則靈鳥不必鳴岐山而麒麟為檮 與請金陵不調元美之吳郡海內交游且盡矣乃子 蘇窮日之力而不得一語猶且不能自己也而追

次足习草全事

明文海

ナカ

言而信是委喻於同心其有不反三隅則屏息碎之耳 得於我而况合契古人明請一朝實獲其心得意尺牘 無罪聞之者足以戒達於事變而懷其舊俗亦何所不 馬是則不恭之大有不恤者何也立乎百世之上使百 既以強人人愈厭既以信人人愈疑其心以為與其以 千金享之嗟嘆咏歌手舞足蹈遇此以往真之或知不 病者乎是謂我竭才窮日之力而得之而彼宣報得聞 不吾知者曾吾技則豈不得已其無以嘗吾技者乎則 老二で九十五

|容之感適世絕俗之悲泥而不浑蟬蛻滋垢之外者詩 火ミのもろう 也子相之視天下又何所可為乎向具舍人亦為余言 峻潔語深則意氣激烈能使人有孤臣孽子嬪棄而不 **竣之富貴以心術之微精神之所至而沾沾馬游大人** 陸沈下僚亦餘此不朽之心獨奈何非義而冀幸不可 世之下聞風而與起是旦莫遇之也四海而一人馬是 以成名也詩可以怨一有嗟嘆即有咏歌言危則性情 比肩而至也何有於我也正使不免於好名之嫌則雖 明文海

信也詩難言也 過橋头不復區別真偽概天下賢者於是而子相不免 安知從吾所好也獨其人實不窮一日之力認為詩以 相而委蛇若是即世俗之見以竭才窮日之力作無益 有所不為矣可以無去也其尚疑子相也則人有不可 於疑則有之爾然宣詩之罪哉直其去也人皆知子相 竊取譽不知者受欺而與稱列至為稍點者所窺遂 子相於是也不然以子相之材在吏部何憂不即至卿 卷二百九十五 一寄至不能自發一識浮沉藝苑真偽相合遂令古之作 氣格憚於修蘇理勝相掩彼豈以左丘明所載為皆休 結撰逈殊者才有所至不至也後生學士乃唯眾耳是 離之語而司馬選敘事不近人情乎故同一意一事而 江毘陵二三君子豈不亦家傳戸誦而持論太過動傷 李獻吉革其人也視古修辭寧失諸理令之文章如晉 以余觀於文章國朝作者無處數十家稱於世即北地 送王元美序李攀龍

次三日車へます 一一

明文海

|讀之語且安所用之又二三君子家傳戸誦則一人又 義已經其利者為有德世之儒者的治順成一說不憚 皆曳踵不進而雖有步趨終不自施者乎語曰何知仁 者謂千載無知己此何異塗之羣瞽取道一夫則相與 儕俗比之俚言而布在方策者耳復以易曉忘其鄙倍 取合流俗相沿竊譽不自知其非及見能為左氏司馬 拍局隨之累累載路稱培塿則皆為足不下稱汙邪則 文者則又猥以不便於時制徒敝精神何乃有此不可

全タセノこ

を二てれ十五

大きりちんはつ 一人 李獻吉革者知其無能為已且余結髮而屬辭比事今 近之即曰文章經國大業不朽盛事今之作者論不與 疑於日非虛語也先是濮陽李先芳亟為元美道余及 遠且彼奚肯苦其心志於不可必致者乎夜點傳火不 章之道童習白紛乃欲一朝使舍所學而從我日幕途 元美見余時則稠人廣坐之中而已心知其為余稍益 一人一旦處奪其終身之見而報勝天下風靡之士文 明文海

何難馬誠使元美與二三君子者比名量譽誠不能以

勘兵火詩書藏於屬屬即後生學士無不操染然等濫 雖天性然秦漢以來素業散失即關洛諸世家亦皆漸 言余元美不問也日世貞奈何乃從諸賢大夫知字生 由培植族諸王者故五百年一名世出猶為多也吳越 馬千載而比肩生豈有意哉益五年於此少年多時時 不可區別超来而上是為難爾故能為獻吉革者乃能 乎自是之後少年乃顧愈益知余齊魯之間其於文學 一當生僕願居前先揭旗鼓必得所欲與左氏司

金人口屋ノー

卷二百九

一誠長者也而鄉中人又往往重敬先生歲壬子夏子為 之後子被服游士大夫問始得見先生每見每嘆先生 自來髮已從先生游先生年長家君數歲而家君凡事 予少侍家君家君每言鄉長者必曰許先生云益家君 即司功而先生通躡優執策來謁選子迎謂先生日丈 人芒然乃遠至此其勞矣先生日子往歲遊學太學侍 不為獻吉革者乎 送許簿之海學序宗臣

災定习車全書 一

明文海

一昔事教教至不能休更與步庭下徘徊待月而去秋子 故不喜酌顧侍子停酌惟啖梁吸饘弄是盂道家園疇 大司成凡三成長安塵久已上衣紀矣令來乃更大快 減新紉馬乃太息日此愈鍼予病哉後予疏歸問醫而 其身所著青練謂子曰子衣此衣十年矣彊前視之僅 特稱先生善儉先生曰夫生財非私一人安敢侈泰持 抱痾散髮枕上先生更時時問我坐漫語無所不浸予 吾志何勞哉後時時過我則為治醑摘疏酌先生先生

人こりはなら 有其善地心選家揭名於朝善者博帶高冠洋洋道路 負人顧人負官也子見世所稱有司者初調選即切切 敢出一語奚論簿也奚云不難哉予曰嗟乎嗟乎豈官 **謁稍不當即大怒數責伏庭階免冠頓首顫惕不持道** 道上把先生袂日先生行哉吾知不難于寧海矣客日 尹监司御史擁施行縣即稍專者已惶急奔走蒲伏跽 言何易言何易夫簿秩太早即出一令且折躬請其堂 先生以今年六月授海寧簿道便選家攜家子為祖道 明文海

哉先生家故饒至都下客亦有風先生如世俗內賄 者家忽人怒不顧也斯即尊官大郡獨奈何不畏怀人 數百金可必何至作凄恻狀哉此已不能洗滌其心甫 賂進矣於是日夜籌笥金色驕妻子乃妻子又益日夜 至則目攝筐態厚薄而口抑揚之左右窺其意旨報以 至倪首吁氣含淚向人而人亦姑慰之曰縱不得萬金 其所與游亟持酒賀曰此行萬金可致也乃不得善者 一與謀攘金之策稍不稱則接答其人至糜爛無可擊

卷二百九十五

欠いりうとから 而去 容嚴貌剝剝行何畏馬而監司御史者將曰是夫也分 其廉爱者也先生且自是翹舉矣又安在其為難也先 心矣况借刑攘金哉即监司御史撬旄行縣先生且恭 地者先生整襟危坐謝客曰予非力不能內顧吾耻不 生起拜謝曰噫甚矣宗子知予哉於是長揖謝客策馬 先生性又慈仁長者即使稅訟最急施笞朴且慘目休 為也斯見先生之心哉且先生一衣十載顧何貴多金 明文海 **二**

オングモ たいこう **觽几杖邊豆與夫語點酬酢憲養步超莫不有節有以** |端後人相師之意與此正相乖認故予當深辨之而各 是也是文也會之在心散之枝葉為行而言解乃其 古人以文相師孔門之教曰博文歸功者曰博我以文 之典怡然理解不疾於心如是可謂文矣然言之必才 黙移其意而漸昭其德達於人倫庶政之實會通聚散 考其類古之就外傳而師文學也其道即在於聲悦礪 送孫晉卿還越序蔡汝楠 卷二百九十五

尤欲及稽其行則今之視行猶古之視文且托之乎間 眼等之於緒餘矣子母嘆相師之道大戾古人不欲以 古而行則縣乎未及也間有有志之士雖甚肆於文而 其目眩於富貴之趨神奪於剽竊之未故文總不能追 糧擔登而往從之期於相肖而教與學之能事畢矣唯 離之能排闔變幻之妙凡可以售技藝媒利達者則負 學盛德緒餘之發也後之學文巧扱速化之術貫穿附

行之必遠世有辭命之臣文學之儒又其躬行閒暇之

東三日東へ書 一

明文海

肆習之文漸明一致之行殆吾之所以援失為得者也 之後世之弊也既两失之於此求其道以寄吾心聊藉 一疑而又怪吾友唐君應德凡天下級文之士多出其門 中得沿時變革之道蓋辭之與行古人之盛也既兩得 其問舍此誰與哉予曉然深解其意因求相師于文之 既而應徳報子曰舉業亦切磋之地也天下豪傑相漸 金陵則有不可辭之友相與指完藝文未始不以此自

經義解章開授受之門益相靡於文而無補於世義在

之意有聞於此而將自博其文矣乎至其所謂文者或 呼兹其所以為自得也乎昔賢固有讓為夫子之文章 者矣亦有言博我以文而竭吾之才者矣倘晉卿盡吾 甚詳予既以文辭嘆世而又以盡言相證其為不得已 敢固拒日置遺經肆為論說異以言筌之微骤然與諸 方遘先宜人憂既練样矣同志者往往過山中願留不 自得之悟越人孫晉卿從予獨久道器一貫之指言之 可知也一日過晉鄉之館見晉鄉自榜其居為盡吾鳴

一次主四事全書 明文海

吾啓也 時有有一人即能與属霄漢其所監必殊絕聚所謂 能達於古人之文而歸之自盡之學則必有不負相師 有洞山尹先生夫水新雖壯邑然在禁近者亦尠尠不 安吉之永新益有兩先生在英廟時有劉文安先生令 之意而子亦有相長之益者斯又母曰吾自盡馬而不 於經誼詞章而已抑不滯於經誼詞章而已乎晉卿 送大司成尹洞山序何良俊

次定四車全替一個 國學之師來傳而出縣官除道郵驛具供帳不易南北 養士多寡與職業繁簡皆適等不應數易地夫以天子 先生奉命西南到官南七日維有新命則又以先生為 生尹先生云廼甲宙歲之五月擢先生為南大學祭酒 一庭舉不能加先生故一時推可以定國是者必曰尹先 萬人亦見者尹先生以文章侍從二十年蓋淵然凝重 北太學祭酒時留都士人以為南北太學官等耳其所 人也方其情顧問恭密謀徐出一論即中機宜泉雖盈 明之海

當折其角耶為我促駕召尹先生夫南北太學教士之 功等獨在北更得認議之助則召先生唯恐不速耳子 不能下或不能盡當宰相意宰相曰使尹先生在顧不 |宰相方欲集衆思命百執事議可否百執事人持其說 天子重得士故撤先生以教國子然自先生之來或者 既等又何必往來促數費劇若此哉余曰是不然夫聖 題以道里供頓為念··何西哉子之見也然余切有以 廟堂缺諷議之臣一日國家有大計天子下其事宰相

卷二百九

產物化溝港鱗次彼得藏形匿跡設伏用計雖有殭兵 一講求備禦之策益不能拒之海上縱其一入內地則室 之樣先生嘗一二聞矣今當事者日惟請兵聚粮略不 無超祖宗之制廢壞且盡而南屬祖校得惡蘇松焚殺 修德則又敦本重內有大舜修于兩階之風今東南西 北用兵西北近替較母歲講武有成畫可守獨東南久 如戰陣守禦諸策皆斤斤詳實可施用未復歸之議政 告先生余讀劉文安宗齊集至登極建言其所陳十事

大と切らてきすって

明文海

テ九

生心首問國家大計國家大計莫先於此尚庶幾設 而專情容兵無乃亦大過計矣夫君相側席待先生先 之病求三年之艾令被寇已二年餘略不聞訓練一旅 之而屬紅復集海上矣南東之民素不知兵正如七年 遠兵既久勢必思歸養兵不用我亦坐困不免各散遣 且我之虚實彼皆詳知我兵既集彼必適去一年之後 以制勝夫調遣之兵地利不習此所謂乖其張者非也 十萬竟何所施古稱中國匈奴各有長技苟乖其張難

卷二百九十五

スのりの人にうし 然才美也然不若子善為古人言多難直不脂章隨俗 友人何良俊日余取友於四方皆竊窺其人非不彬彬 嘉靖戊申歲曹君玉舉試官于朝天子命為辰州通判 既陛辭還抵於鄉迎母夫人以往筮行有日間以請於 先生之决欲先生不以觀望自沮耳先生幸深念馬 最深凡此皆先生之緒餘而余猶言之不置者蓋以贊 奇畫以副朝野之望余於先生同郡人也辱先生知愛 送曹一坡赴任辰州通判序何良版 月文海

|奇節人故余與子謀自處業必欲得古之奇節人先生 一昔日從旁竊聽之心聽之余疾尚庶幾有與子試以語 忡熱日思飲冰以自快敬需子一言子言或過直余以 |益訴毀至不比數於人余自受命以來朝夕祇懼內忡 故實可施用其中人病使人色無主舌橋不能下人故 人可否故以語人報不售余從旁一二聽之皆斤斤有 余哉良俊曰唯唯子來前子曩時為經生與余同受詩 于天台石梁王先生所先生好奇節其所稱說皆古之 卷二百九十五

尺之書宣揚天子威德使知朝廷留心於無外必使生 力渦弊其所以與農勸功之故即烽鏑充斥邊屋奉思 得立天子指前盈尺之地使論說古今成敗與近時民 得荆卿高漸離游處者與游日低徊熱市中其所遇一 彭城觀楚漢戰處並漕河而北攬求先聖人經略之跡 至聊攝問想會連之遺風暨入於都城訪郭應之臺思 去余與子同計作上京師渡江沂淮泗涉吕梁之險過 とこうらんかり 有縣於心即俯仰慷慨中夜至攬衣起坐當是時以為 明文海

别駕為長史至宋又改通判當時御史中丞孫抃上言 别駕之官西漢郡有太守有丞有别駕唐水徽三年改 為者也子令若何自處哉然余竊有以語子夫通判古 州郡吏則前所謂進士高官翰死若莹諫郎署又薄不 今余淪躓草茶十五年子試官僅得一通判以往通判 利奉禄乘良器肥出入阿擁但自於姓者直薄不為也 致月支之命或不然員弩矢為士卒先驅則腦沙幕髓 金少四人人生 余吾不難其視進士息等官翰死若基諫郎署日唯厚 卷二百九十五

|士髙官翰苑臺諫郎署有能彷彿二子之風猷者否耶 聞之馳垂辟為別駕蜀秦灾方蠖屈州里時有確然之 欲以檢人路佛補吏允不肯阿意直絕其缺刺史鄧盛 夫天子以數千里民命委一太守使通判参其謀議是 介諸葛孔明領益州牧以別駕起之子試言今日之進 通判古監郡之職一州利害全籍論議與諸僚屬不同 即不能則進士高等官翰苑若臺諫郎署不得薄視通 可以卑易處之哉昔束漢王允為小吏時郡太守王球

いこうらいかり

別文海

使民得指議子以及母夫人皆不得為孝既若是又按 |之母少有怨咨或取之民而致之母夫人者一有不善 一得人之惟心以事其親故生則親安之者是也苟一人 得養吾母當使體境之民凡有母者時無至失養經日 之日此民之力也天子之賜也吾受命牧天子之民且 亦何負於子哉子令奉版輿迎母夫人而西至官歲賦 判且子固未當若二子表表自見今即處以是官通判 金只匹左之三章 一練副以純縣以衣母夫人時節致甘脆左右奉而進

卷二百九十五

遂書以為贈 直故余以直語子子尚究之於行母但曰吾友何生善 髙等官翰苑若臺諫郎署薄視通判孰曰不宜子不諱 りつこりも へい 為古人言爾也則辰州之民實受其惠余與有庸曹呈 日余嘉迺言敢不敬底于用試書於册余奉以往良俊 王子師秦子勃諸人不然是子不以厚自處遂使進士 圖經計故實取先政之善治次第脩而行之庶幾無愧 明文海 丰三

	 	 	 	ساسسب	-
明文海卷二百九十五					金げんではんまる
百九十五					卷二百九十五
					五

暴余守建武得一賢馬曰鄧汝極孝應禮而致之為盱 りこうる とう 而致之為秦人士於去 欽定四庫全書 八士於式及余督學關中得一賢馬曰王欲立孝 明文海卷二百九十六 送王孝康序許多遠 序ハナン 明文海 餘姚黃宗義編

一篇天下士三人於朝二子與馬其一人為安福劉元卿 外而獨以訪道求友輕千里適四方余是有都門之會 |望同也嗚呼賢哉余初識欲立於都門之蕭寺欲立曾 端介有用世才三人者品調各異而其足以繫天下之 劉子余聞之久矣客成金陵一晤於耿中丞座間精典 海以內固多賢如二子殆不易得也項趙汝師司成疏 大儒欲立為信好學素行捐潔可質神明皆余所心服 病足且病肺體羸弱不勝衣業已謝計估置功名於度

金グ四月ノニー

二百

儼然端肅泊然恬淡日擊 西道存薰陶觀感已在言辭 子宗亦以追尋其翁先期至此余聞欲立之來如從天 而降喜不能言留之月餘與子弟朋友相晨夕見欲立 抵山廬蓋已丑五月也汝極遣子儀從欲立行欲立伯 而下迁道江之右入黎州會都汝極居兩月東渡浙水 一當余去關中時欲立年已六十矣枉籃輿送余新豐道 ッハア・ロラ ハチラ 中依依不忍别為後會期余日難之各自爱甫通年欲 立聞余謫居山中竟自其家扶病衝寒出武關浮江漢 明上海

育皆可化而入也吾不於欲立之行乎後之哉欲立將 知問語為詩句亦奇矣詩曰螟蛉有子蜾蠃及之教語 難倘常辛苦而不辭道未嘗識字隨欲立數月亦化之 |長走之製相繼辭去止攜一僕曰彭道相與涉歷險 立之出門也挟朋脩二人僮僕二人俱未幾則三人者 一欲立如父欲立視儀如子絕無世俗形迹皆古人事欲 之外其子宗侍飯侍寢純孝之情種種可掬鄧生儀視 爾子式穀似之其斯之謂乎夫為善苟誠無親疎賢不

金くせんノーモ

乃無思無為感而逐通惟至誠為然吾黨固未可以易 蘇歸秦猶歉然不自足賬賤以古人贈言之義望余余 火こりunt Ainto 思心可以斷絕朋從而中與止者將終不可得而求若 在於此令試反之吾心中耶止耶夫憧憧往來朋從爾 善子思衍之為喜怒哀樂未發之中千古聖賢學脉端 何在吾聞執中安止之義啟自虞廷孔子揭之為止至 **魏無以應余獨念欲立之質與造使在孔門當原憲子** 夏之間夏不可及然皇皇問學如渴如飢其所未了者 明大海

然得其所止更有何事願交助馬欲立之歸也能終以 及然而不合體於此非聖學也以欲立之精誠一旦豁 吕先生炳燿後先則此行真為不孤非特以慰答朝野 聖學為秦人士宗法而與横渠張子吕與、叔兄弟涇野 之望而已也爰命欲立子宗受而藏之以為别 **伎為語贈行不伎某曰夫祁族所謂豪傑之士而學聖** 己酉冬長洲令山陰祁族入覲其門人王生瑞琦欲不 送祁侯入覲序高拳龍

金万正在ノニー

LYS. JOHOL KIND |色字色字而為通都亦縣其萬起萬滅者無極而有不 外萬起萬滅之私關之中也夫士出而任官任官而為 至易至簡而人自難之何也則以萬起萬滅之感觸之 視聽言動一如其本色之謂允執厥中聖人之道何其 也今天天地之為物則吾喜怒哀樂未發之謂而已矣 餘請敢誦所聞吾聞善學者仕而性地愈明善仕者學 而物理愈徹何則天地之道為物不貳者也貳之者妄 人之學者也其文章政事緒餘耳余不敢以祁族之緒 明文海

萬滅者足櫻其處哉不住誦其所聞而未能者如此矣 **挿入豈不浩治乎為天之徒其還而治吳民又何萬起** 之得失而已于此一徹則為物格而知至于是好惡自 之形神不足以奪吾之心志足以奪吾之心志者一官 失其本來者鮮矣大應酬之煩薄書之冗雖足以疲吾 金タモ人とこ 正起滅之中而格致之地也倘于其本色者不令一念 正是非自明賞罰自當而於執中幾矣令矣入朝上計 日然然否否吾之所為萬起萬滅者異于是吾方懼

者矣 當是時知有宰不知有公知有宰無求于宰矧求于公 籍也于公所治越境也辛卯之歲縣宰校士子慕與馬 向者子慕布衣也布衣不得借交上官而子慕又崑山 ていうしん しょう 不自意知子慕者乃公也公之知子慕則從宰所見子 則謂王生曰識之矣之所為萬起萬滅者斯為物不 送蔡公之任南都序歸子慕 明文海

政之不時民之不和而夙夜以思豈其計于一官不伎

一幕武文而心赏之特過褒馬縣上之府府上之督學推 子慕行其易猶不得公則能行其難用之于一州人莫 所輕者見知而公則終欲以所重者相勉用爱以德不 命也行止義也進取為輕而知己為重子慕不獨喜以 製皆公力也子慕于是歲即舉于鄉得與計偕夫貴賤 之敢抗何謂行其易猶不得夫具俗士沾一命者颠庇 人者而公則能使人不干也不干人易能使人不干難 以姑息批引以正誼不說道相曲從蓋子慕非能不干

金火四月八三

終矣或謂王相國至貴也而公無所訟其親黨于法無 |我者情或有所不能割也于相國則裁以義髙明者之 敢犯犯輕案之此則為難子慕曰不然夫人義之所可 亡有所私與否也令而後五六年知己之遇可謂善始 斜惟恐失墜不數見見則從容慈語退而報自念所言 |庇宅人馬公方下令數出之而子慕以親兄之子壻故 干公以此負公公移書先太僕同年友周公以大義相

其宗黨田園久靈而俗不非因謂之厚豈惟宗黨文将

大人り 日本

明文海

|所必出于此也于子慕則出之布衣卒然不意之知必 |它事頌公引他事頌公于公事該而子慕之情掩且規 |相喜相喜必相比且不復自覺矣而公獨不然是則可 諫人者常恐其不盡也稱譽人者常恐其盡也古之道 謂難重則相國厚則子慕而猶若此它可知矣不旁引 也公之教也近公遺書子慕日行矣白雲在望南都非 久棲遲適漳南山水不費一錢思吾故鄉耳公行矣願 公常持此心何所不可為自古能任天下事者皆其輕

金少に屋とこを

又己日年八十日 婦肩 寒而已未幾解余去乞一言為別余曰子亦禍觀三衛 籬插棘地也不時見見報為林壘所奪無心語草草暄 黄竹石從江陵員敝笈訪余長安余方視選曹曹故 富贵者也則又子慕之所勉於公者也 陌乎穢塵張天腥風逆鼻行者尚于道居者糞于市 埋屠狗之革敝衣百結之子高襲私福豪面歷盡之 送黄竹石序袁宏道 **聯題接此亦天下之至惡也而顧瞻雲中則鳳** N. 明文海

今夫山郡水郭巷陌未始不清楚衣冠未始不都雅 張目不能指名夫然後知京師之大慎勿以穢塵腥 念奴之歌喉霓裳羽衣之舞呼盧博靈之戲種種聚 校童吳之弄兒公孫大娘之劍僚之九賀懷智之琵琶 已而入雲韶之院過鳴到之里則南之威西之苑越之 周之天球岩日之璧若月之珠東海南學之珍典陳馬 銅龍在馬百官宗廟華馬引而之貫城之市則夏之璜 人衣茜而遇則已叢觀駭指出漢唐之舊物一二 則 馬

手父でた

15 11

F

卷八百九十六

臺省同入對者人人遜不如也震怒為霽襲日遂得 詰問公心誠氣和應對詳朗無憐容無懷色內閣九卿 遂 御史中丞関東里王公以宣府監視端王坤疏該揆地 因抗言內臣越職輔臣失職者再上特召對文華面 亦猶京都之三衢九陌耳文耶道耶至此乃極子歸 求之有餘師 謂都市之觀止此也夫古之聖賢豪傑鉅公哲匠其 送都察院左副都御史東里王公歸里序蔣德璟 賜

とこうら ここう

明文海

益 東有之而因 概舉廷之無人也寧緊舉廷即環具疏 籍以歸於是史臣將德璟拜手腿言曰嫩哉君仁臣直 易馬之事未當預政典兵也海外叵測不忍遠煩廷臣 羅王王琛出封真脫王鄭和賞賜西洋古里滿刺加諸 排遂巡不敢入璟姚死矣夫上固聽斷明辨不世出之 祖而成祖實不然按永樂中有內臣李與齊勒出勞選 主也其遣內臣明知違高皇帝預政典兵之禁而援成 王皆遣往要荒如高皇帝遣而再慶童往諭西番以茶

金少四人

察 尺三日 三十 時絕御之嚴如此惟鎮守始於洪熙監軍始於正統 成 山西採天花為民害即動御史鞠問械送京師而諭 回 而 理 火器之有監督法司之同審録皆始正統京營之 話 以內臣供海外馳驅之役是體群臣而賤內臣莫如 院以自者閱官弄權傾覆宗社一尊萬皇帝 袓 而可據以為例乎間惟令馬靖往甘肅巡視却 则 始於景泰子姓之有封拜始於天順至正德中 亦緝事傳命之類事或即 明文海 回 非監軍也李進 遺誡當 都 间

. 70

臣亦無力爭者至累煩諄諭費許筆舌亦心知此遭之 各瑙再號中與而今顧舉忠賢之覆轍而踵行之而廷 遪 虎而極然皆旋踵誅削獨劉永誠姪聚尚世伯寧晉耳 金罗世左至一 無與也所惜者上與肅皇帝皆從藩即入疏大實盡 鐫也東廠不知起何時西厰始於成化內教場之設及 而魏忠賢遂援以封公忠賢不足言即寧晉恐亦當議 而猶恃威福在手別有操縱此則隱憂之大耳漢宣 功胃叙皆始正徳大抵洪熙濫觞二正滋蔓與成 卷二百九十六

以張其焰而外臣之氣日靡且相與擣蒜燒葱以保富 班不可問而復假以兵馬錢糧之權布列要害其所抨 月用內臣而治者二正以來司禮漸重喉舌之地**業**愈 夜世效尤以至此也細綜開闢底今有用內臣而亂未 月李輔國馴致中平甘露之禍不可挽救皆英主開端 中用恭顯其後以殺蕭望之唐玄宗用高力士其後題 へんりら とこう 頁天下事尚忍言乎夫外臣之不肖固自有之然必謂 又立為之逮繫妓斤以快其志揚於大庭明示堅信 月文好 ት

尚內臣用不效而不撤歸 亮皇上亦必不為也公行矣 具堯舜必有召三君子之日因撮小疏之指贈公且以 心所以報皇上者可也環友黄宫九石齊魏給諫倩 林公無得辭而內臣既撒之後皇上必思公召公幸更 窗噤蟬喑馬之世為鳴鳳飛鴻之舉雖不求名名自千 **炒內豪傑盡不如一刑餘亮皇上必不忍也皇上既嚴** 題王公而明以好題目歸之知題 目之美則不美安在 公里人三君子相繼去國中外情之而環獨知皇上

山牙四月五年書

風而矢公之志也志處環亦且尾公而歸矣湖山田畝之間行且宏公之 スショラーへきつ 明文海

	- 1	1				年
203						金の世子る
明文海卷二百九十六	İ		İ	İ		15
文						Z
海						13
恭						1
=						
5						
41	ļ				-	
10	1					
7						卷
7						<u>ب</u>
						卷二百九十六
				-		+
						بج
		.				
1		į				
-						
	- 1					